



Poppo ingenio & sanctitate apud Germanos in magno pretio extitit. Itaq; Adalgasus Premensis antistes eum ad Danos prædicatum Evangelium misit, Sueone rege id maximè expetente, anno Christi noningentesimo septuagesimo. Habuit Poppo eius rei auditores Haricum & Lesdagum, qui Ripæ manserūt, & Gerbrandum qui Rockildix docuit. Verùm Poppo sua diligentia omnes superauit, atq; multos ad ueram religionē perduxit. Cum aut̄ multi Barbarorum essent, qui eius monita contemnerent, percontatus eos est, an suã doctrinam suscipere uelint, si ad flagrantis ferri tactum manus illesas conseruaret. Id cum approbas-

sent, candentem ferri laminam chirotece formã habentem ad ferri iussit. huic manus inseruit, ac aliquandiu retentam ante principis pedes collocauit. Ibi cum eius dextram inuiolatam uiderent, religionem Christi cupidius amplexi sunt. Hinc etiam factum, ut duellorum consuetudine abrogata, controuersiarum examen ad candentis ferri tactum retulerint Dani, iudicium ad Dei arbitrium potius, quàm humani corporis uires referentes. Postea Poppo apud Arusium Episcopus factus, Ecclesiam fundauit, atq; Septentrionales populos in uera fide instituit.